

ЧИНОПОСЛЕДОВАНИЯ НА СВЯТУЮ ПАСХУ

УСТАВ ЧАСОВ, ПАВЕЧЕРНИЦЫ И ПОЛУНОЩНИЦЫ ВО ВСЮ СВЕТЛУЮ СЕДМИЦУ

ПОЛУНОЩНИЦА

Семипоклонный начал (вместо «Достойно есть» «Светися, светися»).

За моли́тв святы́х оте́ц на́ших, Го́споди Иису́се Христе́, Сы́не Бо́жии, поми́луй нас (поклон). **Ами́нь.**

Перекрестившись, глаголи:

Хри́сто́с воскресе́ из ме́ртвых, сме́ртию на́ смерть наступи́, и грóбным живо́т дарова́ (*трижды, пением, на глас 5*).

Воскресе́ние Хри́сто́во ви́девше, поклони́мся Свято́му Го́споду Иису́су, еди́ному Безгре́шному (*поклон*). Кресту́ Твоему́ поклоня́емся Хри́сте́ (*поклон*), и свято́е воскресе́ние Твое́ поём и сла́вим. Ты бо еси́ Бог наш, разве́ бо Тебе́ ино́го не зна́ем, имя́ Твое́ нарица́ем. Прииди́те вси ве́рнии, поклони́мся свято́му Хри́сто́ву Воскресе́нию (*поклон*), се бо прииде́ Креста́ ра́ди ра́дость все́му ми́ру; всегда́ благослови́м Го́спода и поём Воскресе́ние Его́: распя́тие бо претерпе́, и сме́ртию смерть разруши́ (*трижды*).

Предвари́ша утро́ яже с Мари́ею, и обрето́ша ка́мень отвален́ от гроба́, слы́шаху от Ангела́, Иже во́ свете присносу́щнем Су́щаго с ме́ртвыми не ищи́те, я́ко челове́ка. Ви́дите грóбныя пелены́, тецы́те и ми́ру пропове́дите: я́ко воста́ Госпо́дь, умертви́выи сме́рть; я́ко Той есть Сын Бо́жии, спаса́яи род челове́ческии.

Аще и во́ гроб сниде́, Безсме́ртне, но а́дову разруши́в силу́ и воскресе́, я́ко победи́тель, Хри́сте́ Бо́же. Женáм миронóсицам ра́дость провеща́в и Свои́м апо́столом мир дарова́; Иже па́дшим пода́я воскресе́ние.

Во гробе́ с плóтию, во а́де же с душе́ю, я́ко Бог, в рай же с разбо́йником, и на престо́ле бе́яше Хри́сте́, со Отце́м и Ду́хом, вся исполня́я, Неопи́санныи.

Слава. Я́ко живонóсец, я́ко ра́я зело́ красне́йшии вои́стину, и вся́каго черто́га ца́рска яви́ся светле́йши, Хри́сте́ гроб Твой, исто́чник на́шему воскресе́нию.

И ныне. Вы́шняго освяще́нно Бо́жие вселение́ ра́дуися, Тобо́ю бо даде́ся ра́дость Богороди́це, вопию́щим Ти: благослове́на Ты в жена́х, Пренепоро́чная Влады́чице.

Также, Господи помилуй (*40*). **Слава, и ныне.** Честнейшую херувим... **Именем**

Полунощница пасхальная

Автор: Екатерина
25.04.2011 10:39

Господним благослови, отче.

За моли́тв святы́х оте́ц наши́х, Го́споди Иису́се Христе́, Сы́не Бо́жи, поми́луй нас (поклон). **Ами́нь**.

Христос воскресе.. *(полностью, трижды)*.

И отпу́ст: **В**оскресы́и из ме́ртвых, Го́споди Иису́се Христе́, Сы́не Бо́жи, моли́тв ра́ди Пречи́стыя Твоея́ Ма́тере, си́лою честна́го и Животворя́щаго Креста́, и святы́х сла́вных и всехва́льных апо́стол, и всех святы́х, поми́луй и спаси́ мя грешна́го, я́ко Благ и Человеколю́бец, ами́нь.

Не крестя́сь, поклонись до земли и читай прощение: **О**слаби, остави, отпусти, Бо́же...

Поднявши́сь, читай: **Н**енавидящих и обидящих нас, прости, Го́споди...

Го́споди поми́луй *(трижды), и обычные исходные поклоны*.

Также, ни в чем неизменно, поется и Павечерница во всю Светлую седмицу.

Также поется и за Часы: Первый (с отпуском), Третий, Шестый и Девятый, без отпуста, прощения и помянника.